

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 17 JUN 2015, PUKUL 10.00 PAGI**

**Bil. 35**

---

**PERTANYAAN-PERTANYAAN BAGI JAWAB LISAN**

1. PR-1332-L68878  
**Puan Hajah Normala binti Abdul Samad [ Pasir Gudang ]** minta **MENTERI SUMBER MANUSIA** menyatakan hasil kajian yang dijalankan berhubung dengan penguatkuasaan gaji minimum dan adakah pihak Kementerian berhasrat untuk menjalankan kajian lanjut berkenaan gaji minimum berdasarkan pada kriteria berikut:-
  - (a) gaji minimum untuk pekerja tempatan seharusnya lebih tinggi daripada pekerja asing berikutan kos hidup pekerja tempatan adalah lebih tinggi kerana perlu menampung bayaran rumah, kenderaan, utiliti dan sebagainya; dan
  - (b) gaji minimum seharusnya berbeza untuk bekerja yang telah lama berkhidmat dengan pekerja yang baru sahaja mula bekerja dan gaji minimum dikelaskan mengikut jenis industri atau saiz perniagaan yang dijalankan.
2. PR-1332-L67666  
**Dr. Azman bin Ismail [ Kuala Kedah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan strategi utama negara untuk mengukuhkan institusi keluarga di Malaysia.
3. PR-1332-L68580  
**Dato' Seri Reezal Merican bin Naina Merican [ Kepala Batas ]** minta **PERDANA MENTERI** menyatakan penjelasan mengenai kemampuan PETRONAS mengekalkan prestasi kewangan yang baik untuk tempoh 5 tahun yang akan datang.

4. PR-1332-L68011  
**Tuan V. Sivakumar [ Batu Gajah ]** minta **MENTERI PERTANIAN DAN INDUSTRI ASAS TANI** menyatakan jumlah tangkapan ikan laut dan ikan air tawar mengikut negeri pada tahun 2014. Nyatakan juga pelaksanaan dan keberkesanan Program Ikan Rakyat.
5. PR-1332-L68921  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI PERDAGANGAN ANTARABANGSA DAN INDUSTRI** menyatakan adakah Kerajaan bercadang untuk menggerakkan atau menjadikan Negara ASEAN sebagai Hub Produk Halal Dunia
6. PR-1332-L69179  
**Tuan Sim Tong Him [ Kota Melaka ]** minta **MENTERI DALAM NEGERI** menyatakan:-
  - (a) tentang peranan dan tanggungjawab "Community Policing" sejak ia ditubuhkan, adakah ia mempunyai kuasa untuk menguatkuasakan undang-undang termasuk tangkapan; dan
  - (b) adakah pihak polis telah menapis latar belakang setiap anggotanya dan berapa aduan diterima terhadap sikap dan perbuatan anggota-anggota ini.
7. PR-1332-L67983  
**Dr. Noor Azmi bin Ghazali [ Bagan Serai ]** minta **MENTERI SUMBER ASLI DAN ALAM SEKITAR** menyatakan dengan jumlah rizab kehidupan liar sekarang, terdapat penurunan bilangan harimau liar di negara ini. Adakah keluasan rizab kehidupan liar ini mencukupi. Apakah data dan status harimau terkini dan apakah dasar Kerajaan dalam mengeksport harimau untuk Zoo di luar negara serta program pembiakan harimau dalam sangkar.
8. PR-1332-L68357  
**Puan Teo Nie Ching [ Kulai ]** minta **MENTERI KESIHATAN** menyatakan statistik tentang penyakit tuberculosis (TB) di Malaysia khasnya di kalangan pekerja asing dan keberkesanan sistem pengujian perubatan yang diwajibkan untuk pekerja migran bawah FOMEMA dan skim insurans kesihatan wajib SPIKPA dalam memastikan pekerja-pekerja migran bebas daripada penyakit berjangkit.
9. PR-1332-L68977  
**Tuan Anuar bin Abd. Manap [ Sekijang ]** minta **MENTERI PENDIDIKAN** menyatakan langkah-langkah proaktif Kementerian dalam mengatasi masalah kelemahan softskills dalam kalangan pelajar lepasan universiti dan institut kemahiran.
10. PR-1332-L69078  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan keperluan Akta Kesatuan yang perlu diperbaiki dalam keadaan sekarang.

11. PR-1332-L69464  
**Datuk Raime bin Unggi [ Tenom ]** minta **MENTERI KESIHATAN** menyatakan bilakah klinik Kemabong dapat dinaik taraf sebagai hospital disebabkan keperluan khidmat kesihatan yang semakin bertambah.
12. PR-1332-L67878  
**Dr. Michael Jeyakumar Devaraj [ Sungai Siput ]** minta **MENTERI KESIHATAN** menyatakan bilangan kes baru tibi yang dikesan di Malaysia untuk tiap tahun antara 2001 hingga 2014 dan kadarnya setiap 100,000 penduduk. Adakah keengganan para pekerja asing datang ke hospital Kerajaan satu faktor penyumbang pada peningkatan kes tibi.
13. PR-1332-L68097  
**Dato' Sri Azalina binti Dato' Othman Said [ Pengerang ]** minta **MENTERI DALAM NEGERI** menyatakan:-
  - (a) sejauh manakah pasport Malaysia menjadi ancaman keselamatan memandangkan penjenayah dapat menyalahgunakannya susulan kemudahan pengecualian visa di 162 negara; dan
  - (b) apakah langkah-langkah Kementerian yang spesifik untuk mengenal pasti dan membanteras rangkaian sindiket antarabangsa yang bertanggungjawab dalam penyalahgunaan passport Malaysia.
14. PR-1332-L69335  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan bilangan Chromebook yang sudah dibekalkan kepada sekolah-sekolah serta jumlah kos yang terbabit.
15. PR-1332-L68488  
**Ir. Shaharuddin bin Ismail [ Kangar ]** minta **MENTERI PENDIDIKAN** menyatakan:-
  - (a) berapakah jumlah sekolah di negara ini yang menawarkan pendidikan prasekolah dan apakah kriteria pemilihan sekolah berkenaan; dan
  - (b) adakah Kementerian mempunyai cadangan untuk menaik taraf guru yang mengajar di prasekolah Kementerian dari segi kelulusan minimum sekurang-kurangnya mempunyai sarjana dalam bidang berkaitan.
16. PR-1332-L68121  
**Dr. Ong Kian Ming [ Serdang ]** minta **MENTERI SUMBER MANUSIA** menyatakan bilangan permit pekerja asing yang diberikan kepada pekerja-pekerja dari Korea Utara dan sama ada ini adalah melanggar Konvensyen Buruh Paksa ILO.

17. PR-1332-L68553  
**Datuk Hajah Norah binti Abd Rahman [ Tanjong Manis ]** minta **MENTERI PENDIDIKAN** menyatakan sejauh manakah keberkesanan sekolah sukan yang dibangunkan di Bukit Jalil dan Bandar Penawar dalam melahirkan bakat sukan negara dan meningkatkan tahap sukan negara di peringkat dunia.
18. PR-1332-L68065  
**Tuan Jeff Ooi Chuan Aun [ Jelutong ]** minta **MENTERI PERDAGANGAN ANTARABANGSA DAN INDUSTRI** menyatakan apakah jumlah pelaburan Malaysia sebagai pembekal Foreign Direct Investment (FDI) di negara-negara asing semenjak 2008, dan apa pula pulangnya.
19. PR-1332-L67522  
**Datuk Koh Nai Kwong [ Alor Gajah ]** minta **MENTERI PERTANIAN DAN INDUSTRI ASAS TANI** menyatakan apakah langkah strategik yang dilaksanakan oleh Kementerian untuk membantu golongan petani padi bagi memastikan pengeluaran padi dapat memenuhi pasaran tempatan negara.
20. PR-1332-L69094  
**Tuan Oscar Ling Chai Yew [ Sibu ]** minta **MENTERI DALAM NEGERI** menyatakan kadar jenayah di Sibu pada tahun 2011 - 2015, senaraikan jenis jenayah dan jumlah kesnya mengikut tahun dan jumlah kes yang berjaya tutup fail.
21. PR-1332-L68039  
**Tuan Anyi Ngau [ Baram ]** minta **MENTERI DALAM NEGERI** menyatakan usaha Kementerian untuk menyelesaikan isu ketiadaan dokumen pengenalan diri di kalangan penduduk di pedalaman Baram dan jumlah permohonan dokumen pengenalan diri dari kawasan ini yang telah diterima dan diluluskan semenjak 5 tahun lalu.
22. PR-1332-L68961  
**Dato' Mansor bin Othman [ Nibong Tebal ]** minta **MENTERI PENDIDIKAN** menyatakan keperluan tenaga-tenaga pengajar dari luar negara dalam bidang bahasa Inggeris dan bahasa Arab. Adakah tenaga pengajar tempatan tidak mencukupi atau tidak berkeupayaan.
23. PR-1332-L68726  
**Datuk Liang Teck Meng [ Simpang Renggam ]** minta **MENTERI PENDIDIKAN** menyatakan apakah bentuk usaha yang dilakukan oleh Kementerian dalam memperlihatkan keseriusan dan ketegasan berkaitan penggunaan, penguasaan dan pemerkasakan Bahasa Melayu di sekolah dan universiti bagi memastikan pelajar benar-benar menguasai bahasa kebangsaan.
24. PR-1332-L68253  
**Tuan Sim Tze Tzin [ Bayan Baru ]** minta **MENTERI DALAM NEGERI** menyatakan berapa kes siasatan, tangkapan dan dakwaan Akta Hasutan mengikut tahun sejak ia dilaksanakan dari 1948 hingga 2015 mengikut tahun.

25. PR-1332-L68222  
**Dato' Hasbullah bin Osman [ Gerik ]** minta **MENTERI PERTANIAN DAN INDUSTRI ASAS TANI** menyatakan apakah pulangan kepada Rakyat dan Negara melalui ternakan ikan sangkar Talapia di Tasek Temengor yang dikuasai oleh satu syarikat sedangkan Kerajaan telah menyediakan kemudahan berjuta ringgit seperti jeti ikan, jalan raya, rumah kediaman serta pusat penetasan ikan.
26. PR-1332-L69312  
**Tuan Mohamed Hanipa bin Maidin [ Sepang ]** minta **MENTERI KEWANGAN** menyatakan:-
- (a) berapakah jumlah pendapatan yang Kerajaan perolehi daripada cukai GST sejak ia mula diperkenalkan sehingga 25 April 2015 dan adakah ia mencapai sasaran yang ditetapkan oleh Kerajaan; dan
  - (b) mengapakah pihak telco masih meneruskan pengenaan GST kepada perkhidmatan prepaid dan apakah Kerajaan akan mendakwa syarikat-syarikat tersebut.
27. PR-1332-L67798  
**Dato' Othman bin Aziz [ Jerlun ]** minta **MENTERI PENDIDIKAN** menyatakan strategi yang telah dirangka bagi mencapai akses aspirasi meningkatkan tempat pengajian baharu menjelang 2025 bagi mencapai sasaran 1.1 juta enrolmen pengajian tinggi berdasarkan Pelan Pembangunan Pendidikan Malaysia (Pendidikan Tinggi) 2015-2025.
28. PR-1332-L69281  
**Tuan Wan Hasan bin Mohd Ramli [ Dungun ]** minta **MENTERI PERTANIAN DAN INDUSTRI ASAS TANI** menyatakan kajian yang telah dibuat bagi menjadikan sungai sebagai sumber hasil akuakultur dalam memajukan industri ternak air negara.
29. PR-1332-L68941  
**Datuk Ikmal Hisham bin Abdul Aziz [ Tanah Merah ]** minta **PERDANA MENTERI** menyatakan sejauh manakah seriusnya pencerobohan nelayan asing di kawasan perairan negara sehingga menjejaskan pendapatan nelayan tempatan.
30. PR-1332-L68784  
**Tuan Wong Tien Fatt @ Wong Nyuk Foh [ Sandakan ]** minta **PERDANA MENTERI** menyatakan maklumat yang terperinci berkenaan projek PR1MA yang akan dibina di Sandakan bagi pecahan jarak harga (price range) unit perumahan PR1MA di Sandakan, peruntukan yang disediakan oleh Kerajaan, lokasinya dan juga bilangan unit serta perluasan setiap unit.

31. PR-1332-L69366  
**Datuk Juslie bin Ajirol [ Libaran ]** minta **PERDANA MENTERI** menyatakan usaha memperkukuh dan memperkasakan Majlis Ekonomi Bumiputera (MEB) seperti program CARVE-OUT, program latihan 'last mile' serta vendor dan pelaksanaan Petunjuk Prestasi Utama (KPI) di Syarikat Berkaitan Kerajaan (GLC) dan Kementerian sebagai membina keadilan sosial demi perpaduan negara.
32. PR-1332-L69116  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI WILAYAH PERSEKUTUAN** menyatakan Rancangan Pembaharuan Semula Bandar (Urban Generation) yang holistik merangkumi penciptaan peluang pekerjaan, peningkatan pendapatan isi rumah perumahan, pengangkutan awam, pencegahan jenayah dan sebagainya demi kemakmuran dan kesejahteraan warga Wilayah Persekutuan.
33. PR-1332-L68683  
**Datuk Mas Ermieyati binti Samsudin [ Masjid Tanah ]** minta **PERDANA MENTERI** menyatakan adakah Kementerian akan meneruskan untuk melaksanakan pembinaan jana kuasa nuklear dalam tempoh 2025-2035 sedangkan potensi-potensi penjimatan tenaga dan tenaga boleh baharu masih belum diterokai sepenuhnya lagi pada masa sekarang sehingga menjelang tempoh masa berkenaan.
34. PR-1332-L68856  
**Datuk Wira Haji Ahmad bin Hamzah [ Jasin ]** minta **MENTERI KEWANGAN** menyatakan:-
- (a) kesan pengenalan GST terhadap Keluaran Dalam Negara Kasar (KDNK) dan perkembangan ekonomi negara selepas hampir 2 bulan dilaksanakan; dan
  - (b) adakah Kementerian meletakkan penanda aras (KPI) dari segi tempoh perlaksanaan dan pencapaian bagi melihat keberkesanan GST.
35. PR-1332-L68442  
**Dr. Hajah Siti Mariah binti Mahmud [ Kota Raja ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perancangan Kerajaan untuk melindungi pembeli dari projek perumahan terbengkalai setelah membatalkan cadangan perlaksanaan polisi Bina dan Jual/Build and Sell.
36. PR-1332-L69271  
**Tuan Haji Khalid bin Abdul Samad [ Shah Alam ]** minta **MENTERI PENGANGKUTAN** menyatakan langkah-langkah yang telah di ambil bagi meningkatkan keselamatan pengangkutan udara.
37. PR-1332-L68045  
**Dato' Dr. Tan Kee Kwong [ Wangsa Maju ]** minta **PERDANA MENTERI** menyatakan apakah wujud sebarang insentif atau bantuan yang akan diberikan kepada mangsa-mangsa banjir lepas menjelang bulan Ramadhan dan Syawal yang akan datang.

38. PR-1332-L68628  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan:-
- (a) cara mana Kerajaan dapat memastikan bahawa aliran wang secara haram ke luar negara selain daripada RM32.1 bilion tidak menyebabkan sebarang ketidakseimbangan terhadap ekonomi dan kewangan negara; dan
  - (b) negara asal pekerja asing dan jumlah kiriman wang dari Malaysia ke negara masing-masing.
39. PR-1332-L68150  
**Tuan Che Mohamad Zulkifly bin Jusoh [ Setiu ]** minta **MENTERI KESIHATAN** menyatakan sama ada terdapat perancangan untuk mewujudkan lebih banyak Klinik Kesihatan di kawasan-kawasan yang berkepadatan tinggi dan sesuai dengan bilangan populasi di kawasan tersebut.
40. PR-1332-L69290  
**Tuan Idris bin Haji Ahmad [ Bukit Gantang ]** minta **MENTERI KERJA RAYA** menyatakan berapa ramai peniaga R&R yang ditamatkan kontrak perniagaan kerana peniaga asalnya meninggal dunia, kenapakah pihak PLUS tidak membenarkan waris untuk meneruskan perniagaan tersebut.
41. PR-1332-L67575  
**Datuk Linda Tsen Thau Lin [ Batu Sapi ]** minta **PERDANA MENTERI** menyatakan bila kenaikan tambang teksi di Sabah boleh dilaksanakan dan bagaimana penggunaan 'kereta sapu' dan kereta sewa tanpa lesen boleh dikawal.
42. PR-1332-L69119  
**Dato' Dr. Mujahid Yusof Rawa [ Parit Buntar ]** minta **PERDANA MENTERI** menyatakan adakah Kerajaan bercadang memberikan peruntukan khas kepada seluruh Ahli Parlimen untuk mengimarahkan ibadah sempena Ramadhan mulai pertengahan Jun 2015 ini.
43. PR-1332-L67752  
**Tuan Wilson Ugak Kumbong [ Hulu Rajang ]** minta **MENTERI DALAM NEGERI** menyatakan adakah terdapat sebarang perancangan untuk menaik taraf kemudahan Pondok Polis Sungai Asap di bangunan kedai sewa kepada balai polis bagi memberikan perkhidmatan terbaik kepada masyarakat setempat.
44. PR-1332-L69478  
**Dato' Abdul Manan bin Ismail [ Paya Besar ]** minta **MENTERI KEWANGAN** menyatakan:-
- (a) apakah rasional cadangan Kumpulan Wang Simpanan Pekerja (KWSP) untuk menyelaraskan umur pengeluaran simpanan persaraan ahlinya hampir kepada usia persaraan 60 tahun; dan

- (b) adakah ini penetapan umur mandatori atau pilihan sama ada pada usia 55 tahun atau 60 tahun.
45. PR-1332-L68655  
**Tuan Haji Nasrudin bin Hassan [ Temerloh ]** minta **MENTERI DALAM NEGERI** menyatakan jumlah pesalah yang melarikan diri keluar negara yang telah mendapat perlindungan politik di sana.
46. PR-1332-L68922  
**Tuan Haji Ahmad Lai bin Bujang [ Sibuti ]** minta **MENTERI BELIA DAN SUKAN** menyatakan berapakah jumlah pelaburan sektor swasta untuk pembangunan sukan-sukan di Malaysia dan nyatakan apakah jenis sukan yang banyak penerima pelaburan daripada pihak swasta.
47. PR-1332-L68518  
**Raja Dato' Kamarul Bahrin Shah [ Kuala Terengganu ]** minta **PERDANA MENTERI** menyatakan apakah tindakan Kerajaan mengadakan kawalan ke atas nelayan-nelayan asing yang sekarang ini begitu bebas keluar masuk pelabuhan Malaysia seperti telah berlaku di pelabuhan Cendering seperti di laporkan di Parlimen sejak tahun 2014.
48. PR-1332-L67700  
**Dr. Che Rosli bin Che Mat [ Hulu Langat ]** minta **MENTERI KERJA RAYA** menyatakan adakah Kerajaan bercadang membina rangkaian laluan khas motosikal yang lebih selamat, selesa dan berkesan terutama di jalan Persekutuan yang mengalami banyak kemalangan dan menguatkuasa undang-undang yang berkaitan.
49. PR-1332-L68841  
**Puan Hajah Fuziah binti Salleh [ Kuantan ]** minta **MENTERI SUMBER ASLI DAN ALAM SEKITAR** menyatakan:-
- (a) apakah rasional membenarkan pembangunan ladang-ladang kayu di dalam hutan terwarta; dan
- (b) kenapakah ladang-ladang kayu di dalam Hutan Simpan Kekal terus dihitung sebagai kawasan berhutan sedangkan daripada sudut saintifik, ladang kayu bukanlah hutan.
50. PR-1332-L69217  
**Tuan Ahmad Baihaki bin Atiqullah [ Kubang Kerian ]** minta **MENTERI KERJA RAYA** menyatakan apakah perkembangan terkini berkaitan projek lebuh raya antara Kota Bharu-Kadok yang telah dibuat majlis pecah tanah, dan bilakah ianya dijangka siap sepenuhnya.
51. PR-1332-L68321  
**Datuk Jumat bin Idris [ Sepanggar ]** minta **PERDANA MENTERI** menyatakan proses permohonan sijil kelahiran daftar lewat supaya mahkamah menetapkan dalam tempoh 60 hari bagi setiap permohonan di Sabah.



52. PR-1332-L68832  
**Dato' Ngeh Koo Ham [ Beruas ]** minta **MENTERI PENGANGKUTAN** menyatakan apakah status terkini permohonan Kerajaan Negeri Perak untuk membina sebuah lapangan terbang antarabangsa di negeri Perak terutamanya cadangan kerja sama Penerbangan AirAsia dengan Sime Darby untuk membina sebuah lapangan terbang antarabangsa di daerah Kerian, Perak.
53. PR-1332-L69201  
**Dato' Fauzi bin Abdul Rahman [ Indera Mahkota ]** minta **MENTERI KEWANGAN** menyatakan kepada Dewan ini, jumlah hutang terkini negara termasuk sebarang bentuk 'Letters of Guarantee', 'Letters of Support' dan 'Letters of Comfort'. Nyatakan juga nisbahnya kepada GDP negara.
54. PR-1332-L67535  
**Dato' Seri Ong Ka Chuan [ Tanjong Malim ]** minta **MENTERI PENGANGKUTAN** menyatakan adakah Kementerian akan mengenakan Bayaran Permit Kemasukan Kenderaan (VEP) terhadap semua kenderaan asing yang memasuki negara ini dari Singapura.
55. PR-1332-L68558  
**Datuk Ahmad Jazlan bin Yaakub [ Machang ]** minta **MENTERI KESIHATAN** menyatakan:-
- (a) kesiapsiagaan Kementerian daripada aspek peralatan seperti kemudahan klinik bergerak bagi menangani kes-kes kecemasan terutamanya sewaktu bencana; dan
  - (b) apakah langkah penambahbaikan yang bakal dilaksanakan bagi kelancaran perkhidmatan kesihatan sewaktu bencana.
56. PR-1332-L67688  
**Tuan M. Kulasegaran [ Ipoh Barat ]** minta **MENTERI DALAM NEGERI** menyatakan tindakan yang akan diambil terhadap pegawai-pegawai yang menyalahgunakan siasatan perintah reman dengan menahan suspek lebih lama daripada yang diperlukan seumpamanya kes guru SJKT, Encik Subbarau dari Seremban yang direman untuk memberi keterangan kebocoran kertas UPSR di mana kenyataan beliau hanya dirakam pada hari yang keempat selepas tahanan.
57. PR-1332-L68718  
**Tuan Lim Lip Eng [ Segambut ]** minta **MENTERI KEWANGAN** menyatakan hasil kutipan Cukai Barangan dan Perkhidmatan (GST) bagi bulan April dan Mei dan bilangan aduan mengenai GST yang telah diterima oleh Kerajaan.
58. PR-1332-L68136  
**Tuan Tan Kok Wai [ Cheras ]** minta **MENTERI KEWANGAN** menyatakan jumlah kiriman wang pekerja asing di Malaysia yang dihantar ke negara asal mereka masing-masing setiap tahun dari tahun 2010.

59. PR-1332-L67975  
**Tuan Teo Kok Seong [ Rasah ]** minta **MENTERI SUMBER MANUSIA** menyatakan secara terperinci usaha Kerajaan dalam menangani masalah pengangguran yang semakin membimbangkan.
60. PR-1332-L68479  
**Datuk Seri Noh bin Haji Omar [ Tanjong Karang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah rumah PPR yang telah dibina dan dirancang untuk dibina oleh Kerajaan Persekutuan di negeri Selangor dan sekiranya ada minta juga dinyatakan kekangan-kekangan yang dihadapi.
61. PR-1332-L69076  
**Tuan Nogeh anak Gumbek [ Mas Gading ]** minta **MENTERI PENGANGKUTAN** menyatakan sejauh manakah komitmen Kerajaan untuk meneruskan misi pencarian pesawat MH370 serta langkah yang diambil untuk memastikan imej industri penerbangan negara tidak mendapat tanggapan negatif dari masyarakat antarabangsa.
62. PR-1332-L67850  
**Puan Alice Lau Kiong Yieng [ Lanang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan:-
- (a) sama ada Kerajaan Persekutuan bercadang untuk meningkatkan bantuan kebajikan yang dibayar melalui Jabatan Kebajikan Masyarakat memandangkan kos sara hidup semakin meningkat dan pelaksanaan GST membebankan rakyat; dan
  - (b) status kemiskinan dan kemiskinan tegar di Sarawak serta rancangan Kerajaan untuk menghapuskan kemiskinan tegar di Sarawak.
63. PR-1332-L69137  
**Dato' Seri Tiong King Sing [ Bintulu ]** minta **MENTERI KEWANGAN** menyatakan apakah kewajaran caj perkhidmatan yang dikenakan di restoran turut dikenakan Cukai Barangan dan Perkhidmatan (GST) padahal GST hanya patut dikenakan ke atas bil makanan sahaja.
64. PR-1332-L67570  
**Datuk Nur Jazlan bin Mohamed [ Pulau ]** minta **MENTERI KOMUNIKASI DAN MULTIMEDIA** menyatakan status pelantikan Ketua Saintis Data Negara yang pernah diumumkan Perdana Menteri tahun lalu.
65. PR-1332-L68040  
**Dato' Mohd Ariff Sabri bin Abdul Aziz [ Raub ]** minta **MENTERI KEWANGAN** menyatakan:-
- (a) Arul Kanda, CEO 1MDB dilaporkan telah mengemukakan dokumen palsu mengenai penyata bank Brazen Sky Ltd. Apakah tindakan yang diambil keatas CEO ini yang memalukan nama baik syarikat strategik Malaysia 1MDB; dan

- (b) pada jawapan untuk soalan nombor 59 yang saya kemukakan pada 10-3-2015, Menteri Kewangan menyatakan bahawa wang sebanyak USD1.103 billion disimpan dalam BSI Singapore. BSI telah menafikan perkara ini dengan menyebut fakta pembohongan dokumen oleh Arul Kanda. Soalannya dimanakah wang itu sebenarnya.
66. PR-1332-L67944  
**Tuan Haji Ahmad Nazlan bin Idris [ Jerantut ]** minta **MENTERI PENDIDIKAN** menyatakan jumlah guru bukan Melayu yang mengajar Bahasa Malaysia di Sekolah Kebangsaan dan jumlah guru Melayu yang mengajar mata pelajaran Bahasa Cina dan Tamil di SJKC dan SJKT di seluruh negara.
67. PR-1332-L67610  
**Dato' Haji Abdul Rahman bin Haji Mohamad [ Lipis ]** minta **MENTERI KEWANGAN** menyatakan hasil siasatan terhadap dakwaan timbulnya penyelewengan terhadap syarikat 1MDB.
68. PR-1332-L67934  
**Datuk Wee Jeck Seng [ Tanjong Piai ]** minta **MENTERI DALAM NEGERI** menyatakan pendirian Kementerian terhadap isu bantahan sekumpulan penduduk terhadap pemasangan lambang salib di luar rumah kedai yang digunakan sebagai gereja di kawasan Taman Medan, Petaling Jaya.
69. PR-1332-L67920  
**Datuk Haji Datu Nasrun bin Datu Mansur [ Silam ]** minta **PERDANA MENTERI** menyatakan apakah langkah yang telah diambil oleh Kementerian dalam menempatkan Pendatang tanpa Izin yang ditahan dalam operasi membanteras PATI di Zon Selamat Timur Sabah (ESSZone). Memandangkan Pusat Tahanan Sementara tidak dapat menampung jumlah tahanan PATI.
70. PR-1332-L69388  
**Tuan Mohamed Azmin bin Ali [ Gombak ]** minta **MENTERI KEWANGAN** menyatakan senarai bank-bank tempatan yang memberi pinjaman kepada 1MDB dan apakah impak kepada 'Capital Adequacy Ratio' setiap bank jika hutang 1MDB diklasifikasikan sebagai Non Performing Loan (NPL).
71. PR-1332-L68615  
**Dr. Mansor bin Abd Rahman [ Sik ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah punca utama, harga rumah tidak terkawal dan terlalu mahal dan apakah cara untuk belia yang gajinya kurang dari RM2000 untuk membeli rumah, selain rumah PR1MA kerana harga rumah PR1MA adalah tinggi dan tidak mampu untuk dibeli oleh mereka yang berpendapatan kurang dari RM2,000.00.
72. PR-1332-L67894  
**Tuan Hee Loy Sian [ Petaling Jaya Selatan ]** minta **MENTERI KEWANGAN** menyatakan hasil siasatan dan tindakan terhadap kes skim penipuan pelaburan oleh Syarikat Uni Argrow (M) Sdn. Bhd. dan individu Dr. Nixon Yap Kim Piow dalam kes pelaburan kayu gaharu Kemboja, atau lebih dikenali sebagai Uni-Argrow Series 0809.

73. PR-1332-L67719  
**Datuk Dr. Makin @ Marcus Mojigoh [ Putatan ]** minta **MENTERI PELANCONGAN DAN KEBUDAYAAN** menyatakan:-
- (a) program-program galakan pelancongan yang diberikan oleh pihak Kementerian kepada pemain industri di Negeri Sabah; dan
  - (b) destinasi pelancongan baru serta produk pelancongan berasaskan kreativiti dan inovasi bagi menarik lebih ramai lagi pelancong ke negeri Sabah.
74. PR-1332-L68905  
**Datuk Aaron Ago anak Dagang [ Kanowit ]** minta **MENTERI KEMAJUAN LUAR BANDAR DAN WILAYAH** menyatakan jumlah projek dan peruntukan untuk menaik taraf jalan kampung dan jalan kayu balak di negeri Sarawak.
75. PR-1332-L68591  
**Puan Nurul Izzah binti Anwar [ Lembah Pantai ]** minta **MENTERI TENAGA, TEKNOLOGI HIJAU DAN AIR** menyatakan:-
- (a) apakah status pelan induk kecekapan tenaga; dan
  - (b) penjimatan dari segi kos pembinaan janakuasa baru yang boleh dielak, kos bahan api untuk penjanaan tenaga elektrik untuk gas dan arang batu dan perbelanjaan Kerajaan untuk kos subsidi gas.
76. PR-1332-L69051  
**Tuan Chong Chieng Jen [ Bandar Kuching ]** minta **MENTERI PENDIDIKAN** menyatakan apakah tindakan akan diambil atas penutupan Kolej Pengurusan Sarawak Cawangan Kuching. Apakah bantuan yang Kerajaan akan berikan kepada murid-murid yang terpaksa menghentikan pelajaran mereka akibat daripada penutupan Kolej tersebut di Kuching.
77. PR-1332-L67794  
**Dato' Ahmad Fauzi bin Zahari [ Setiawangsa ]** minta **PERDANA MENTERI** menyatakan jumlah kebangkrapan melalui kategori umur dan sebab kebangkrapan serta langkah-langkah yang boleh dan sedang diambil untuk mengeluarkan mereka ini daripada belenggu kebangkrapan.
78. PR-1332-L68517  
**Tuan Ahmad Marzuk bin Shaary [ Bachok ]** minta **MENTERI DALAM NEGERI** menyatakan jumlah dan jenis aduan yang dibuat Datuk Seri Anwar Ibrahim sepanjang beliau berada di penjara Sungai Buluh. Berapakah surat, poskad dan buku-buku kiriman yang disekat oleh pihak penjara.

79. PR-1332-L68804  
**Datuk Rozman bin Isli [ Labuan ]** minta **MENTERI WILAYAH PERSEKUTUAN** menyatakan adakah Kerajaan sedar bahawa Labuan mempunyai 50,000 buah kenderaan pada masa kini dengan pertambahan tahunan hampir 5,000 unit. Ini akan membuatkan jalan terlalu sesak memandangkan Labuan adalah sebuah pulau kecil. Bukankah patut jambatan menghubungkan Labuan dan Menumbuk (Sabah) perlu dibuat berserta dengan sistem perancangan pengangkutan awam bersepadu, dipertingkatkan keupayaan dan kualitinya bersekali dengan sebuah Sentral stesen yang moden.
80. PR-1332-L67865  
**Dr. Lee Boon Chye [ Gopeng ]** minta **MENTERI KOMUNIKASI DAN MULTIMEDIA** menyatakan jumlah peruntukan untuk projek HSBB (High Speed Broad-Band) dan setakat manakah kejayaan projek tersebut.
81. PR-1332-L69186  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan:-
- (a) berapakah jumlah doktor pakar bedah kardiotorasik di seluruh negara; dan
  - (b) berapakah hospital di Malaysia yang telah melaksanakan pembedahan kardiotorasik.
82. PR-1332-L69031  
**Tuan Er Teck Hwa [ Bakri ]** minta **MENTERI DALAM NEGERI** menyatakan Indeks Jenayah mengikut Ibu Pejabat Polis Daerah.
83. PR-1332-L68315  
**Tuan Shamsul Iskandar bin Mohd Akin [ Bukit Katil ]** minta **PERDANA MENTERI** menyatakan:-
- (a) berapakah jumlah Penolong Pendaftar Pemilih Suruhanjaya Pilihanraya di seluruh negara hari ini serta badan yang diwakili; dan
  - (b) mengapakah wakil parti politik tidak dilantik sebagai Penolong Pendaftar Pemilih sedangkan agensi yang mempunyai kaitan dengan Barisan Nasional seperti KEMAS dan JASA dilantik.
84. PR-1332-L67993  
**Dato' Wira Mohd Johari bin Baharom [ Kubang Pasu ]** minta **MENTERI KEMAJUAN LUAR BANDAR DAN WILAYAH** menyatakan tentang Program Transformasi yang telah dilaksanakan oleh Kementerian itu yang bersangkutan dengan pembinaan kerohanian rakyat negara ini. Misalnya, program yang telah dilaksanakan oleh KEMAS, apakah ia menepati fungsi penubuhan agensi-agensi itu.

85. PR-1332-L69310

**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI DALAM NEGERI** menyatakan jumlah kes-kes kemalangan jalan raya yang berlaku disebabkan pengaruh alkohol di Malaysia sejak 2010 sehingga kini.

**ATURAN URUSAN MESYUARAT DAN USUL-USUL**

- |    |                |                                                                                                                                                                                            |                                           |
|----|----------------|--------------------------------------------------------------------------------------------------------------------------------------------------------------------------------------------|-------------------------------------------|
| 1. | (D.R. 19/2015) | Rang Undang-undang Kebajikan Haiwan 2015-<br><b>Menyambung semula Perbahasan</b> atas masalah,<br><b>“Bahawa Rang Undang-undang ini dibacakan kali yang kedua sekarang” (16 Jun, 2015)</b> |                                           |
|    |                | <b>[ Menteri Pertanian dan Industri Asas Tani ]</b>                                                                                                                                        |                                           |
| 2. | (D.R. 20/2015) | Rang Undang-undang Institusi Kewangan<br>Pembangunan (Pindaan) 2015                                                                                                                        | <b>Bacaan<br/>Kali<br/>Yang<br/>Kedua</b> |
|    |                | <b>[ Menteri Kewangan ]</b>                                                                                                                                                                |                                           |
| 3. | (D.R. 11/2015) | Rang Undang-undang Bekalan Elektrik<br>(Pindaan) 2015                                                                                                                                      | “                                         |
|    |                | <b>[ Menteri Tenaga, Teknologi Hijau dan Air ]</b>                                                                                                                                         |                                           |
| 4. | (D.R. 26/2015) | Rang Undang-undang Penerbangan Awam<br>(Pindaan) 2015                                                                                                                                      | “                                         |
|    |                | <b>[ Menteri Pengangkutan ]</b>                                                                                                                                                            |                                           |
| 5. | (D.R. 25/2015) | Rang Undang-undang Perlindungan<br>Pengguna (Pindaan) 2015                                                                                                                                 | “                                         |
|    |                | <b>[ Menteri Perdagangan Dalam Negeri,<br/>Koperasi dan Kepenggunaan ]</b>                                                                                                                 |                                           |
| 6. | (D.R. 21/2015) | Rang Undang-undang Saraan Hakim<br>(Pindaan) 2015                                                                                                                                          | “                                         |
|    |                | <b>[ Menteri di Jabatan Perdana Menteri ]</b>                                                                                                                                              |                                           |
| 7. | (D.R. 22/2015) | Rang Undang-undang Polis (Pindaan)<br>2015                                                                                                                                                 | “                                         |
|    |                | <b>[ Menteri Dalam Negeri ]</b>                                                                                                                                                            |                                           |
| 8. | (D.R. 23/2015) | Rang Undang-undang Angkatan Tentera<br>(Pindaan) 2015                                                                                                                                      | “                                         |
|    |                | <b>[ Menteri Pertahanan ]</b>                                                                                                                                                              |                                           |
| 9. | (D.R. 24/2015) | Rang Undang-undang Profesion Kesihatan<br>Bersekutu 2015                                                                                                                                   | “                                         |
|    |                | <b>[ Menteri Kesihatan ]</b>                                                                                                                                                               |                                           |

10. (D.R. 9/2015) Rang Undang-undang Kanun Tatacara Jenayah (Pindaan) 2015 “

**[ Menteri Dalam Negeri ]**

11. (D.R. 12/2015) Rang Undang-undang Keterangan (Pindaan) 2015 “

**[ Menteri di Jabatan Perdana Menteri ]**

12. (D.R. 24/2014) Rang Undang-undang Dadah Berbahaya (Pindaan) (No.2) 2014 “

**[ Menteri Kesihatan]**

13. **Menteri Kewangan** akan mencadangkan :

“Bahawa Majlis ini mengambil ketetapan iaitu menurut kuasa yang diletakkan padanya oleh Seksyen 11 subseksyen 2 Akta Kastam 1967 supaya Perintah Duti Kastam berikut dibentangkan di hadapan Majlis ini sebagai kertas statut bil. ST.51, ST.69, ST.70, ST.71 dan ST.72 tahun 2015 disahkan”.

14. PR-1332-U67740

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

**[ Menteri Dalam Negeri ]**



15. PR-1332-U67741

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara. Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

**[ Perdana Menteri ]**

16. PR-1332-U69065

**Tuan Ng Wei Aik [ Tanjong ]** akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

**[ Menteri Dalam Negeri ]**

17. PR-1332-U67694

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

18. PR-1332-U68783

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

**[ Menteri Dalam Negeri ]**

19. PR-1332-U68787

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

**[ Menteri Kewangan ]**

20. PR-1332-U69257

**Dato' Kamarudin bin Jaffar [ Tumpat ]** akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

**[ Perdana Menteri ]**

21. PR-1332-U69487

**Dato' Kamarudin bin Jaffar [ Tumpat ]** akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

**[ Perdana Menteri ]**

22. PR-1332-U67593

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah. Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

**[ Menteri Pendidikan ]**

23. PR-1332-U67594

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

**[ Perdana Menteri ]**

24. PR-1332-U67595

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

**[ Menteri Pengangkutan ]**

25. PR-1332-U69440

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji."

Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

26. PR-1332-U69441

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**[ Menteri Dalam Negeri ]**

27. PR-1332-U69442

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

28. **Dato Seri Abdul Hadi bin Awang [ Marang ]** akan mencadangkan :

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2015 seperti berikut :

i- menggantikan Seksyen 2 dengan seksyen berikut:

**"2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Perlembagaan Persekutuan." ; dan

- ii- memasukkan selepas seksyen 2 dengan seksyen berikut;

**“2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan di atas, selain dari hukuman mati.”

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
DR. 8	Laporan Jawatankuasa Kira-Kira Wang Negara Parlimen Ketiga Belas – Projek Pembinaan Pusat Berita Bersepadu (PBB) (Kementerian Komunikasi dan Multimedia)	17 Jun 2015
ST. 51	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti - Lambakan Sementara) (No.2) 2014 P.U. (A) 302/2014 yang diwartakan pada 13 November 2014	17 Jun 2015
ST. 67	AKTA FI 1951 Perintah Fi (Perubatan) (Pesakit Bayar Penuh) (Pindaan) 2015	17 Jun 2015
ST. 69	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (No. 2) 2015 P.U. (A) 45/2015 yang diwartakan pada 13 Mac 2015	17 Jun 2015
ST. 70	AKTA KASTAM 1967 Perintah Duti Kastam (Barang-Barang Di Bawah Perjanjian Rangka Kerja Kerjasama Ekonomi Komprehensif Antara ASEAN dan China) (Tatanama Tarif Berharmonis ASEAN) (Pindaan) 2015 P.U. (A) 44/2015 yang diwartakan pada 9 Mac 2015	17 Jun 2015
ST. 71	AKTA KASTAM 1967 Perintah Duti Kastam (Pindaan) 2015 P.U. (A) 39 yang diwartakan pada 5 Mac 2015	17 Jun 2015

- |        |                                                                                                                                                                                                                                            |             |
|--------|--------------------------------------------------------------------------------------------------------------------------------------------------------------------------------------------------------------------------------------------|-------------|
| ST. 72 | AKTA KASTAM 1967<br>Perintah Duti Kastam (Barang-Barang<br>Berasal Dari Negeri-Negeri ASEAN)<br>(Tatanama Tarif Berharmonis ASEAN Dan<br>Perjanjian Perdagangan ASEAN) (Pindaan)<br>2015<br>P.U. (A) 43 yang diwartakan pada 9 Mac<br>2015 | 17 Jun 2015 |
| ST. 73 | Laporan Tahunan dan Penyata Kewangan<br>Lembaga Tabung Angkatan Tentera (LTAT)<br>Bagi Tahun 2014                                                                                                                                          | 17 Jun 2015 |

**UCAPAN-UCAPAN PENANGGUHAN**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 17.6.2015 (Rabu)	1. YB. Puan Teo Nie Ching (Kulai)	1. Pembekuan Jawatan Baru Langkah Rasionalisasi Perkhidmatan Awam.	1. YAB Perdana Menteri
2. 17.6.2015 (Rabu)	2. YB. Laksamana Pertama Mohamad Imran bin Abdul Hamid (B) (Lumut)	2. Pengurniaan Pingat Panglima Gagah Berani (PGB) Kepada Mejar Ganase a/l Jaganathan No. Tentera : 3001457 (Kini Lt. Kolonel)	2. YB. Menteri Pertahanan